



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Physical Planning Construction and**  
**Environmental Protection**

Broj: 05-23-18645-34/19  
Sarajevo, 12.06.2019.godine

## SKUPŠTINA KANTONA

N/r gosp. **Elmedin Konaković, Predsjedavajući**  
**OVDJE**

**Predmet:** Inicijativa zastupnika Damira Marjanovića

Ministarstvu prostornog uređenja, građenja i zaštite okoliša dostavili ste inicijativu zastupnika Damira Marjanovića pokrenutu na Osmoj radnoj sjednici Skupštine Kantona Sarajevo, održanoj dana 14.05.2019.godine, u okviru tačke Dnevnog reda "Poslanička pitanja, inicijative i odgovori", radi obavještenja o postupanju po istoj.

Inicijativa glasi:

"1. Upućujem inicijativu da se olimpijski objekat Bob staza prepozna kao objekat od važnosti za razvoj Kantona Sarajevo sa svim svojim sportskim, rekreacijskim, turističkim i ekonomskim potencijalima te promotivnim značajem za Kanton Sarajevo. Skupština Kantona Sarajevo treba da donese odluku o utvrđivanju javnog značaja za realizaciju Projekta "Rekonstrukcija i modernizacija borilišta Bob i sankaske staze sa pratećim objektima na Trebeviću:

2. Da Skupština Kantona zaduži Ministarstvo privrede KS da zajedno sa ZOI 84 izvrši hitno uplanjenje objekata u katastar i upis vlasništva u ZK uredu Općinskog suda u Sarajevu u skladu s upotrebnim dozvolama."

Odgovor:

Poslanička inicijativa zastupnika Damira Marjanovića vezana za olimpijski objekat Bob staza na Trebeviću obuhvata niz tema koje su u nadležnosti različitih ministarstava Kantona Sarajevo.

U nadležnosti Ministarstva prostornog uređenja, građenja i zaštite okoliša je planiranje i zaštita prostora planine Trebević.

S tim u vezi ističemo da je Prostorni plan Kantona Sarajevo ("Službene novine Kantona Sarajevo", br. 26/6, 4/11 i 22/17) definisao područje Trebevića, kao "zaštićeni pejzaž" za koji je potrebno donijeti Prostorni plan posebnih obilježja. U tom cilju Skupština Kantona Sarajevo je donijela Odluku o pristupanju izradi Prostornog plana područja posebnih obilježja Zaštićeni pejzaž "Trebević" ("Službene novine Kantona Sarajevo", broj 48/16).



web: <http://mpz.ks.gov.ba>  
e-mail: [mpz@mpz.ks.gov.ba](mailto:mpz@mpz.ks.gov.ba)  
Tel: + 387 (0) 33 562-029,  
Fax: + 387 (0) 33 562-031

Sarajevo, Reisa Džemaludina Čauševića 1



U članu 8. Odluke o pristupanju izradi Plana propisane su smjernice za njegovu izradu, te se u tački i) navodi "povratiti, rekonstrukcijom bob i sankaske staze, status olimpijske planine i centrom sportskih zbivanja svih nivoa takmičenja.

Takođe, Vlada Kantona Sarajevo, kao nosilac pripreme Plana, kao svoje opredjeljenje istakla je da je potrebno izvršiti planiranje lokacije sa svim potrebnim parametrima na osnovu kojih će se omogućiti rekonstrukcija bob i sankaske staze, precizirati zaštitne zone, kao i prateće sadržaje potrebne za nesmetano funkcionisanje same staze.

Zavod za planiranje razvoja Kantona Sarajevo je sačinio Prostornu osnovu za navedeni Plan, te trenutno se izrađuje osnovna koncepcija koja će biti po dostavljena Ministarstvu radi upućivanja u dalju proceduru prema Vladi Kantona Sarajevo.

Imajući u vidu sve navedeno, prepoznata je potreba rekonstrukcije i modernizacije bob i sankaske staze sa pratećim objektima i ista je sadržana u Odluci o pristupanju izradi Prostornog plana područja posebnih obilježja Zaštićeni pejzaž "Trebević"

S poštovanjem,

Dostaviti:

- Naslovu
- Vladi KS
- a/a



MINISTAR

Damir Filipović, MA prava



web: <http://mpz.ks.gov.ba>  
e-mail: [mpz@mpz.ks.gov.ba](mailto:mpz@mpz.ks.gov.ba)  
Tel: + 387 (0) 33 562-029,  
Fax: + 387 (0) 33 562-031  
Sarajevo, Reisa Džemaludina Čauševića 1

